


LONG WANEM AS KOREL RIP I IMPOTEN?



OL KOREL RIP ISAVE BANISIM OL PIS NA OL ARAPELA ANIMOL BLONG SOLWARA LONG OL BIRUA BLONG OL.



OL MANMERI LONG NAMBIS ISAVE DIPEN LONG PIS, KINDAM, GARAM SEL NA OL ARAPELA ANIMOL LONG SOLWARA BILONG KAIKAI.



OL MARASIN OL IWOKIM LONG OL ANIMOL NA PLANTS ISTAP LONG KOREL RIP IKEN DAONIM OL KAIN SIK OLSEM KENSA NA OL NARAPELA KAIN SIK TU.



OL SAMPELA ANIMOL LONG RIP ISAVE WOK BUNG WANTAIM: HAN BLONG OL ANEMONE ISAVE BANISIM OL ANEMONE PIS NA KIAU BLONG OL, NA ANEMONE PIS ISAVE BANISIM ANEMONE LONG OL BIRUA BLONG EM, OLSEM OL BATAPLAI PIS.



OL GUTPELA KOREL RIP ISAVE BRINGIM OL TURIS, NA MANI YUMI KISIM I SAPOTIM EKENOMI BLONG YUMI.



OL STRONGPELA KOREL RIP I PASIM OL MANGORO, NAMBIS NA OL LAGUN LONG BAGARAP BILONG SOLWARA, OL GRAUN ILUS NA STRONGPELA WIN NA TAIT.



GUTPELA KOREL RIP IHAUS BLONG OL KAIKAIN FISARIS WE OL LAIN NAMBIS ISTAP LAIF LONG EN.



OL SPONGE EM KAIKAI BLONG SAMPELA TARAUSEL, NA TU OL IHAUS BLONG OL PIS, KINDAM, KUKA NA OL ARAPELA LIKLIK ANIMOL.



OL BATAPLAI PIS I NIDIM GUTPELA KOREL BLONG KAIKAI. SAPOS RIP IBAGARAP OL BAI LUSIM DISPELA HAP RIP NA GO LONG NARAPELA RIP.



OL KOREL RIP I NAMBAN PLES WE OL PIS, KINDAM, URITA NA OL NARAPELA ANIMOL BLONG SOLWARA ISAVE KARIM.